

KO JE BIO NAŠ POSLANIK?

من نبينا ؟

On je Muhammed b. Abdullah b. Abdul-Muttalib b. Hašim el-Kureši el-'Adnani i potječe od Ismaila, sina Ibrahimovog, neka je na njih mir i spas! Otac Abdullah, umro je sedam mjeseci prije rođenja našeg Poslanika, s.a.v.s.

Majka mu je Amina bint Vehb b. Abdul-Menaf.

Dojila ga je godinu dana. Običaj Arapa bio je da šalju svoju djecu u pustinjska plemena, kako bi naučili čisti arapski jezik i živjeli beduinskim životom, daleko od gradskog ugodnog života i njegovih problema. Dojilja Allahovog Poslanika bila je iz plemena Benu-Sa'd, po imenu Halima Es.Sa'dija, koja je, s vremena na vrijeme, dovodila Muhammeda u Meku kako bi ga vidjeli majka i djed Abdul-Muttalib.

Kad je napunio šest godina, majka ga je povela na put u Medinu, kako bi posjetio svoje daidže iz plemena Benu-Nedžar. Na povratku karavana iz Medine, ona se razboljela i umrla. Tako je naš Poslanik postao siročić, bez oca i majke, kad je imao samo šest godina.

O njemu se zatim brinuo njegov djed Abdul-Muttalib, sve dok nije napunio osam godina, kad je umro i djed, te se o njemu počeo starati amidža mu, Ebu-Talib.